

## **Молебное пение при начале учения**

**Священник:** Благословен Бог наш всегда, ныне и присно, и во веки веков.

**Чтец:** Аминь. Слава Тебе, Боже наш, слава Тебе.

**Царю Небесный:** Трисвятое по Отче наш: Яко Твое есть Царство:

**Господи, помилуй,** 12. Приидите, поклонимся: **Трижды. Псалом 33.**

**Слава, и ныне:** Аллилуиа, **трижды.**

**Великая ектения. Прилагаются же и сия:**

**О** еже низпослати на отроков сих духа премудрости и разума, и отверзти ум и уста, и просветити сердца их к приятию наказания добрых учений, Господу помолимся.

**О** еже всадити в сердца их начало премудрости, страх Свой Божественный и тем буесть юности отгнati от сердец их, и просветити ум их, еже уклонитися от зла и творити благое, Господу помолимся.

**О** еже отверзти ум их, еже прияти и разумети, и памятствовати вся добрая и душеполезная учения, Господу помолимся.

**О** еже подати им приседящую Престолу Его премудрость, и всадити ю в сердца их, яко да научит их, что есть благоугодное пред Ним, Господу помолимся.

**О** еже пресpetи им премудростию и возрастом в славу Божию, Господу помолимся.

**О** еже быти им премудростию и добродетельным житием, и благостоянием в православней вере, радость и утешение родителем своим, и церкви Православно-кафоличестей утверждение, Господу помолимся.

**О** еже избавитися им и нам от всякия скорби, гнева и нужды Господу помолимся.

**Заступи, спаси, помилуй и сохрани нас, Боже, Твою благодатию.**

**Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувшe, сами себе, и друг друга, и весь живот наш Христу Богу предадим.**

**Священник возглашает:** Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

## Бог Господь, глас 6:

### Тропари, глас 6

**Яко посреде ученикóв Твойх/ пришел еси, Спасе, мир дая́ им,// прииди и к нам, и спасí нас.**

**Безкнижныя ученики Дúх Твой Святы́й/ наказатели показа, Христе Бóже,/ и многовещанным слíчеством язы́к// прелести умали, яко Всесилен.**

### Слава, тропарь, глас 8:

**Благословен еси, Христе Бóже наш,/ Иже премудры ловцы́ явле́й,/ низпослав им Духа Святáго,/ и теми уловле́й вселéнную,// Человеколюбче, слава Тебе.**

### И ныне, глас 6:

**Предстательство христиан непосты́дное,/ ходатайство ко Творцу непрелóжное,/ не презри грешных молений гла́сы,/ но предвари, яко Благая, на помо́щь на́с,/ верно зову́ющих Тíй,/ ускори на молитву и потщи́ся на умолéние,/ предстательствующи присно, Богорóдице, чту́щих Тя.**

**Прокимен, глас 4: Из уст младенец и ссущих/ совершил еси хвалу.  
Стих: Возрадуется сердце мое о спасении твоем.**

**К Ефесянам послания святаго апостола Павла чтение.**

**От Марка святаго Евангелия чтение.**

### Ектения сугубая:

**Диакон: Помилуй нас, Боже, по велицей милости Твоей, молим Ти ся, услыши, и помилуй. Лик: Господи, помилуй, трижды.**

**Еще молимся о Великом Господине и отце нашем, Святейшем Патриархе (имярек), и о господине нашем преосвященнейшем митрополите (или архиепископе, или епископе) (имярек), и о всей во Христе братии нашей. Лик: Господи, помилуй, трижды.**

**Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте. Лик: Господи, помилуй, трижды.**

**Еще молимся Господу Богу нашему, о еже призрети милостивно на отроков сих, и низпослати в сердца, во ум и во уста их Духа премудрости, разума же и благочестия, и страха Своего, и просветити их светом Своего богоразумия,**

и подати им силу и крепость, во еже скоро прияти и спешно навыкнути Божественного закона Его наказанию, и всему благому и полезному учению; еже преуспевати им премудростию и разумом, и всеми благими делы в славу Пресвятаго Его имени, и даровати им здравие, и долголетны их сотворити к созиданию и славе Церкви Своей, рцем вси: Господи, услыши и милостивно помилуй. **Лик:** Господи, помилуй. **12 раз.**

**Священник же возглашает:** Услыши ны, Боже, Спасителю наш, упование всех концов земли и сущих в мори далече, и милостив, милостив буди, Владыко, о грешех наших, и помилуй ны. Милостив бо и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

### Молитва:

**Господи, Боже и Создателю наш, образом Своим почтый нас люди, научивый избранныя Твоя, яко дивитися внемлющым учению Твоему, открыый премудрость младенцем; иже Соломона и всех взыскующих премудрости Твоей научивый, отверзи сердца, умы и уста рабов Твоих сих, во еже прияти силу закона Твоего, и со успехом познати преподаемая им полезная учения, в славу Пресвятаго имене Твоего, в пользу и созидание Святей Твоей Церкви, и разумети благую и совершенную волю Твою. Избави их от всякаго налога вражия, соблюди их в Православии и вере, и во всяком благочестии и чистоте во вся дни живота их, да преуспейт в разуме и во исполнении заповедей Твоих; да тако предуготовани прославят Пресвятое имя Твое, и будут наследницы Царствия Твоего.**

**Яко Ты еси Бог силен в милости, и благ в крепости, и Тебе подобает всякая слава, честь и поклонение, Отцу, и Сыну, и Святому Духу, всегда, ныне и присно, и во веки веков, аминь.**

**Диакон:** Премудрость.

**Священник:** Пресвятая Богородице, спаси нас.

**Священник:** Слава Тебе, Христе Боже, упование наше, слава Тебе.

**Лик:** Слава, и ныне: Господи, помилуй. **Трижды.** Благослови.

### Священник произносит отпуст:

**[В неделю: Воскресый из мертвых,] Христос, истинный Бог наш, молитвами Пречистыя Своей Матере, святых славных и всехвальных Апостол, (**и святаго, егоже есть храм, и святаго, егоже есть день**), святых и праведных бого-**

отец Иоакима и Анны, и всех святых, помилует и спасет нас, яко благ и человеколюбец.

**Лик:** Господи помилуй. Трижды.

**Иерей, благословляя отроки крестом, глаголет:** Благословение Господне на вас, Того благодатию и человеколюбием, всегда, ныне и присно и во веки веков, аминь.

**Посем отроцы целуют святый крест. Иерей же кропит их освященою водою.**

# Бог Господь, глас 6

Болгарского напева

Излож. Г.Смирнова

T.I  
T.II  
Бог Гос - подь и я - ви - ся нам,  
Бла - го - сло -

Бар.  
Б.

вен гря - дый во и - мя Гос - под -  
не.

Четырежды.

1  
Я - ко посреде учеников Твоих пришел е - си, Спа - се,

мир да - я им, при - и - ди к нам,

и спа - си нас. Без - книж - ны - я у - че - ни - ки

2

Дух Твой Свя - тый на - ка - за - те - ли по - ка - за, Хри - сте  
Бо - же, и мнo - го - ве - щан - ным сli - чест - вом я - зык  
пре - ле - сти у - ма - ли, я - ко Все - си - лен.

Слава, тропарь, глас 8:

Благословен еси, Христе Бóже на́ш,/ Иже премúдры ловцы́ явле́й,/ низпослав им Духа Святáго,/ и теми уловлей вселéнную,// Человеколюбче, слáва Тебé.

И ныне, глас 6:

Предстательство христиан непосты́дное, / ходатайство ко Творцу непрелóжное,/ не презри грешных молений гла́сы, / но предвари, яко Благая, на помо́щь нас,/ верно зовúших Ти, / ускори на молитву и потщи́ся на умолéние, / предстательствующи присно, Богорóдице, чтúших Тя.

Прокимен, глас 4:

Из уст мла - де - нец и ссу - щих со - вер - шил е - си хва - лу.